


E Barbulet



Bida di un barbulet ta manera un circulo.

Di webo pa bichi pa barbulet y bek pa webo.

Na Aruba nos conocé e Monarch, un barbulet bunita color oranje bibo cu preto. E Monarch a emigra di Merca y via Central-America nan ta jega e.o. Na Arubabarbulet ta pone su webonan riba of bao blachinan di mata. Cada famia tin su mata preferí. Asina e Monarch p.e. Ta gusta

pone webonan riba e "Mata di Lechi".

Despues di mas o menos 1 siman un bichi of larva masha chikito ($\frac{1}{2}$ cm) ta sali for di e webo. E bichi ta keda riba e blachi y ta cuminza





E kashi caminda nan ta warda e 'popnan'

sorto di catuna (seda). Poco-poco su curpa ta forma un "pop" cu ta lora su mes den blachi di mata. E blachi ta pa tene e pop fresco y medio muhá (vochtig). Na un criadero di Barbulet nan ta pone e popnan den un kashi. Den bom di e kashi tin balitanan di klei den awa. Esaki ta pa mantene humedad den e kashi y alavez tene e popnan fresco te ora e bira un barbulet. Ora e ta cla pa sali for di e pop, e ta slip sali y ta keda colgá un rato pa "pomp su halanan" y den mas o menos $\frac{1}{2}$ ora e ta bula bai. E proceso di transformacion di webo-pop-barbulet ta dura alrededor di 6 siman, mientras cu e barbulet mes ta biba 2 te 3 siman so.


E barbulet no ta come blachi manera e bichi. E ta chupa e honing fi e flornan. Pesey caminda tin hopi flornan di color bibo, semper tin hopi barbulet. Un barbulet macho tin colornan mas fuerte cu e hembra. Cu nan color nan ta protehá e hembranan contra parhanan cu kier comenan. E hembra ta bleek y cu curpa mas diki. E ta nace cu un curpa adulto, es decir ora e sali for di e pop ya e tin webonan cla pa pone. E barbulet ta continuamente activo durante dia, anochi e ta bai colga na un mata, sera su halanan pa e sosegá. Na Aruba Butterfly Farm bo por admirá un variedad di barbuletnan straño y cu colornan masha bunita, e.o.: E Zebra, Tiger, Flame, e Tree-nymph di Cambodja, e Malachite di Cuba, e Giant Swallow tail di Asia, Blue Morpho di Brazil, e Common Rose corá cu preto y hopi mas. Tambe e Atlas grandi cu ta bula anochi so y cu ta biba 5 dia so, un precioso barbulet.

Bo kier mira barbuletnan straño, haci un bishita na Aruba Butterfly Farm.

Nan ta duna bo un 'tour' cu splicacion extenso riba e bida di un barbulet!



Esaki ta Aruba Butterfly Farm, un paraíso di barbulet.





CHABALITO

Number 6 - Año 2 - February, 2000 - Afl. 2,=

